


Samarbeidsutvala i Leirvik barnehage,  
Åfjorddalen bhg og Øn barnehage

3.01.04.

Hyllestad kommune  
v/Kristen Holt  
6957 HYLLESTAD

	<b>HYLLESTAD KOMMUNE</b> Sentralarkiv
10 JAN. 2005	
Arkivsaksnr.: <u>05/26-2</u>	Saksh.: <u>KRH</u>
Arkivkode: <u>A10 8 13</u>	

## HØYRING PÅ NY BARNEHAGELOV.

Vi vil med dette komme med innspel til ny barnehagelov.

Vi vil generelt påpeike at i lova er det alt for mange bør/kan . Her ynskjer vi at det blir skal istadenfor gjere den meir konkret.

### §3 Barn si rett til medverknad

Vi synast at det bør kome med i lovteksten at barna si rett til medverknad er nedfelt i barnekonvensjonen artikkel 12 nr.1, jf.menneskerettslova §2 nr 4, som lyder:

” Partene skal garantere et barn som er i stand til å danne egne synspunkter, retten til fritt å gi uttrykk for disse synspunkter i forhold som vedrører barnet, og gi barnets synspunkter behørig vekt i samsvar med deres alder og modenhet.”

Dette fordi vi synast at dette forklarar kvifor dette er komen inn i lovforslaget.

### §18 Leing

Her går vi inn for alternativ B.

Men vi ynskjer ikkje at treårig pedagogisk utdanning på høgskolenivå med tillegg av ett års(60 studiepoeng) videreutdanning i barnehagepedagogikk skal vere likeverdig førskulelærerutdanninga. Då ei slik utdanning ikkje gjev den same kompetansen på dei yngste barna.

### §19 Barnehagens øvrige personale:

Her går vi inn for alternativ A. Men vi ynskjer at det skal inn i lovteksten bemanningsnorm som i dag: 1 førskulelærer og 2 assistentar/fagarbeidarar pr. 18.plassar, der barn under 3 år tel for 2. Ut over dette får barn med spesielle behov andre ressursar. Dette for å sikre kvalitet.

Vi ynskjer og at det skal videreføres arealnorma som er pr. i dag: 6 kvm pr barn under 3 år og 4 ~~kvm~~ pr. barn over 3 år. Dette ynskjer vi og kjem inn i lovteksten.

§25 Helsekontroll av barn og personale

Uheldig formulering at det skal legges fram erklæring om barnets helse.

Her er innhaldet for så vidt greit, om det meint at barnehagen skal vite om ein har fylgt vaksinasjonsprogrammet, om barna har allergiar, sjukdommar der ein må ta forholdsreglar eller medisinere.

Slik den står no virkar den bastant og gjev eit inntrykk at alle barn må legge fram ei erklæring av helsa si før dei kan starte i barnehagen.

Det er ynskjeleg at ein får med i lova at tilsette i barnehage skal gå til bedriftshelsetjeneste regelmessig.

For samarbeidsutvala

Elin H. Nordbø

Elin H. Nordbø